

Na Presidente di Parlamento
Sr. drs. Pauldrick Croes

Aruba, 29 december 2011

Topico: preguntanan relaciona cu APFA

Respetable Sr. Presidente,

Pa medio di e carta aki mi kier haci un peticion na bo persona pa entrega e siguiente pregunta na Minister di Finanzas y Minister di Asunto General, a base di articulo III.17 di nos Constitucion y articulo 59 di e Reglamento di Ordo di Parlamento.

Atentamente,



mr. Xiomara Ruiz-Maduro



Pregunta pa Minister di Finanzas y Minister di Asunto General

Banco Central den nan Quarterly Buletin 2011-II di 23 december 2011 a presenta cifranan cu ta duna un bista riba e gobernacion di Gabinete Eman.. Den e relato aki riba pagina 18, nos por lesa cu nos finanzas publico lo por wordo afecta pa un disputa cu Gobierno tin cu APFA cu lo por costa e caha di gobierno un suma substancial di placa. Segun Banco Central, e disputa entre Gobierno cu APFA ta encera e subida di prima di pensioen pa empleado publico cu Gobierno mester paga na APFA di 41.1% pa 68 % cu ta encera un suma di 52.3 miyon. Gabinete Eman den su presupuesto di 2010 no a tene cuenta cu e subida di prima aki y awor esaki lo tin como consecuencia cu e lo bay subi e deficit financiero aun mas.

En bista di esaki, mi tin e siguiente pregunta, a base di articulo III.7 di nos Constitucion y articulo 59 di Reglamento di Ordo di Parlamento di Aruba.

1. Minister por splica kiko ta e origin di e disputa aki?
2. Minister por indica cuanto e suma di retraso ta den pagonan di Gobierno na APFA te cu 31 december 2011?
3. Minister por indica di unda lo saca fondo pa por paga e 52,3 miyon florin na APFA?
4. Minister por indica cuanto lo mester paga na boet na APFA pa e retraso den pago aki?
5. Minister por splica dicon Gabinete Eman no a tene cuenta cu e subida di prima aki den e presupuesto di 2010?
6. Minister por confirma si den e presupuesto di 2011 y 2012 si a tene cuenta cu e prima correcto di APFA?

Mi ta spera di por recibi e contestanan aki **por escrito** mas pronto cu ta posibel.

Atentamente,



mr. Xiomara Ruiz-Maduro
Parlamentario Fraccion MEP

